

Машфтомс лядондомать видемать эса

Тячи минь печатласьк ВЛКСМ-нь Мордовский обкомть бюронц постановленианц Мельцанский районнь комсомольский организаци-
ятнень участиясн колга тундань
видемаса.

Постановленианть эса корхтави, што Мельцанский районнь комсомольский организацианть аф удовлетворительнайста участвовандайхть тундань видемаса, кальдявста лездыхть партийнай организацианенди видемать качестванц и нюрхкян пингста аделаманц инкса, и ашесть ара организаторкс башка колхозонь председателхненъ „сырой“ настроениясн каршес тюремаса, мезенкса Мельцанский районць республикат эса видемаса занцесы мекольденъ вастть. И тя йофси виде, сяс мес мяк тя пингс синь ашесть ушед большевикокс видема и тюрема сталинский урожайть инкса, штоба получамс эрь гектарста сяд пуд сьора. Мельцанский районнь комсомольский руководителхне (секретарь Кочетковсь) мянь тя пингс кода эрви аф йорайхть шарьхкодемда ся почетнай и ответственной задачат, конань путозе комсомолть лангс ВКП(б)-нь XVIII исторический с'ездсь.

Мезьса обясианься тяфтама лядомас? Васендакиге сян мархта, што Мельцанский районнь комсомолсь изь ара инициаторкс видемань васенце шитнень пингста колхознай массатнень йоткса, ашезе келенте трактористнень, комсомолцнень и аф союзнай од ломаттнень йоткса социалистический соревнованиянь знамать и ашезе ладе, кода эрвольт агитационно-массовой работать видихнень йоткса ВКП(б)-нь ЦК-ть Мартовский пленумонц постановленианц и

СССР-нь Верховнай Советть 6-це Сессиянц материалонзон тонафнемасн коряс.

Тяфтажа кальдявста ладяф работась оцю урожайнь комсомольско-молодежной звенатнень срганизациясн коряска. Мельцанонь, Шигонень и Ст.-Федоровкань колхознень эса синь срадсть видемань васенце шитнень пингстакиге.

Аш кода аф азомс комсомолонь райкомть руководстванц колга колхозонь и МТС-нь комсомольский организацианенди практический лезксонь максомать коряс. Тяфта, кепотьксонди, сявомс Комсомольский МТС-ть васенце тракторнай бригадаты бригадировц Мишин ялгать, конанцы райкомсь аф максси лезкс. Мишин ялгась 1939-це кизоня ульсь участник Всесоюзнай сельскохозяйственной выставкасы и получась почетнай грамота. Выставкав правань участвать инкса сон тюр и тя кизоня. Сонь бригадцы районца занцесы васенце вастть, но райкомсь аф думондай лездомс Мишинти, штоба сон улель выставкасы участникокс и тя кизоня. Трактористть Разумковть бригадасы алак организовандак соцсоревнованиясь. Тяфтама жа улихть случайхть Комаровть и Пронинть бригадасотка.

ВЛКСМ-нь Мельцанский райкомть уроконза арайхть серьезнай сигналкс и лия райоттнени, штоба синь афольхть лотксе эсь сатфксон лангс, а тюрельхть сядонга кемоста, штоба инь нюрхкян пингстацебяр качества мархта аделамс видемать и сявомс социалистический колхознай паксятнень лангста сталинский урожай.

СССР-нь Верховнай Советть Президиумонц Указоц

Советский Союзонь Маршалть К. Е. Ворошиловть СССР-нь Народнай Комиссаронь Советть Председателенцы заместителькс и СССР-нь СНК-ть видеса Оборонань Комитетти председателъкс назначандаманц колга

Назначить Советский Союзонь Маршалть Климент Ефремович ВОРОШИЛОВТЬ СССР-нь Народнай Комиссаронь Советть председателенцы заместителькс и СССР-нь Народнай Комиссаронь Советть видеса Оборонань Комитетти председателъкс и освободить СССР-нь оборонань Народнай Комиссаронь обязанностнень эзда.

СССР-нь Верховнай Советть Президиумонц председателец
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль.
Майть 7-це шистонза 1940 кизоня.

СССР-нь Верховнай Советть Президиумонц Указоц


Советский Союзонь Маршалть С. К. Тимошенконь СССР-нь Оборонань Народнай Комиссаркс назначандаманц колга

Назначить Советский Союзонь Маршалть Семен Константинович Тимошенконь СССР-нь Оборонань Народнай Комиссаркс и освободить сонь Киевский Особай военнай округса командующайнъ обязанностнень эзда.

СССР-нь Верховнай Советть Президиумонц председателец
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль. Майть 7-це шистонза 1940 кизоня.



Майть 7-це шистонза (1940 к.) великай русский композиторти П. И. Чайковскийти шачема шистонза сявомок топодсь 100 киза.

СНИМКАСА: П. И. Чайковскийти портретоц.

(Фото-клишесь ТАСС-ть).

СССР-нь Верховнай Советть Президиумонц Указоц

1-це рангонь командармат С. К. Тимошенконди Советский Союзонь Маршалонь военной званиянь максомать колга

1-це рангонь командармат Семен Константинович Тимошенконди максомс Советский Союзонь Маршалонь военной звания.

СССР-нь Верховнай Советть Президиумонц председателец
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль. Майть 7-це шистонза 1940 кизоня.

СССР-нь Верховнай Советть Президиумонц Указоц

1-це рангонь командармат Г. И. Куликти Советский Союзонь Маршалонь военной званиянь максомать колга

1-це рангонь командармат Григорий Иванович КУЛИКТИ максомс Советский Союзонь маршалонь военной звания.

СССР-нь Верховнай Советть Президиумонц председателец
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль.
Майть 7-це шистонза 1940 кизоня.

СССР-нь Верховнай Советть Президиумонц Указоц

1-це рангонь командармат Б. М. Шапошниковти Советский Союзонь Маршалонь военной званиянь максомать колга

1-це рангонь командармат Борис Михайлович Шапошниковти максомс Советский Союзонь Маршалонь военной звания.

СССР-нь Верховнай Советть Президиумонц председателец
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль. Майть 7-це шистонза 1940 кизоня.

Мельцанский районный комсомольский организационный тунданы видемаса участиянц колга

ВЛКСМ-нь Мордовский областной комитет 1940 кизонь майть 5-це шинь

ПОСТАНОВЛЕНИЯ

ВЛКСМ-нь обкомть бюроц отмечает, што Мельцанский районный комсомольский организационный примосихть аф удовлетворительной участия тунданы видемаса эса, калдывста лездыхть партийной организационной видемаса цебарь качества и нюрхкяне срокста йотафтоманц инкса тюремаса. Комсомольский организационный секретарьхне не возглавили отсталай, „сырой“ настроениянень каршес тюремать, конат лисендихть колхозонь башка руководительхнен ширде, мезень сюнеда районц видемаса молеманц коряс занцы республикаса мекольце вастть.

Тракторной бригадатнен, трактористтнен, колхозса комсомолецнен и афсоюзной од ломаттнен йоткса соцсоревнования аш.

ВЛКСМ-нь райкомть и первичной комсомольский организационный секретарьхнен постоянный комсомольско-молодежной звенань пуроптомати формальной отношенийн сюнеда 75 процентс нят звенатне срасть нинге видема ушедомда инголе, (Мельцанца, Шигоньца, Сире Федоровкаса).

Трактористтненды бытовое условия ашесть тий, синь йотксост политико-воспитательной работа аш, газетаса и журналса трактористтне атак обеспечидакт.

Комсомолецнен и аф союзной од ломаттнен йоткса агитационно-массовой работась ладяф пяк лафчста. Нинге тянемс лама комсомольский организационный аф тонафнесазь ВКП(б)-нь ЦК-ть Мартовский пленумонц постановлениянц и СССР-нь Верховной Советть

6-це Сессиянц материалонзон. Культ-бригадат колхозникнен тунданы видемаса пингста обслуживаниян инкса атак пуропт. Общеколхозной и бригадной стенгазетат ламоц колхозне аф нолнихть.

ВЛКСМ-нь Мельцанский РК-сь лафчста вяти руководства колхозонь, МТС-нь комсомольский организационный работаснон мархта, аф максси тейст оцю урожайнкса тюремаса эрявикс практический лезкс. ВЛКСМ-нь обкомть бюроц лихны постановления:

1. Няфтемс Мельцанский ВЛКСМ-нь РК-ть секретаренцы Кочетков ялгати тунданы видемаса комсомольский организационный мархта калдыв руководствать.

2. Марьгомс Мельцанский ВЛКСМ-нь РК-ти:

а) Решительна цебарьгофтомс комсомольский организационный работаснон лангса руководствать, обеспечидамок паксаян работаса эрь комсомолецт передовой роленц. Келептемс колхозса социалистический соревнованиянц трактористтнен комсомолецнен и од ломаттнен йоткса трудонь оцю производительность инкса, тракторонь простойхнен машфтомаснон инкса, тягловой вийть правильнайста использовандаманц инкса, нюрхкяня срокста и оцю качества мархта видемаса йотафтоманц инкса.

б) Марса МТС-нь директорхнен и колхозонь председателхнен мархта цебарьгофтомс трактористтнен бытового условиян, тиес полный порядок тракторной буд-

катнен эса, регулярна обеспечидакшнемс газетаса, журналса и эрявикс бытовой принадлежностьса,

в) Мобилизовандамс комсомолецонь и од ломанень культурной вийхнен колхозса и тракторной бригадаса культурно-массовой работать вишкотеманцы.

Эрь колхозса и тракторной бригадаса йотафнемс беседат и читкат международный положенинц колга, обеспечидамс колхозной и бригадной стенгазетань регулярной нолнемать, няфнемс стенной печатьса лучшей стахановецнен, конат пшкотькшнесазь и вельф пшкотькшнесазь производственной норматнен, макссемс ВСХВ-нь участникнен, передовой звенатнен опытсон.

3. Тянь мархта, што кой-кона колхозной комсомольский организационный эса ашихть учетса комсомолецт, конат атак сотт колхозной производстваса сембе работатнен мархта (Мельцанца 13 комсомолецнен эзда 3 комсомолецт заняфт колхозной производстваса и лият), обязать ВЛКСМ-нь Мельцанский райкомть тиесм порядком комсомолецнен учетсонды ВЛКСМ-нь уставть коряс.

4. Обязать ВЛКСМ-нь Мельцанский райкомть секретаренц Кочетков ялгати, штоба майть 25-це шистонца 1940 кизоня азомс ВЛКСМ-нь обкомть бюроса, мезе тиф тя постановлениянц пшкотеманц коряс.

ВЛКСМ-нь Мордовский обкомть секретарец СОЛОВЬЕВ.



П. И. Чайковскийть шачема шистонца сывомок 100 кизонзон топодеманцы. СНИМКАСА: П. И. Чайковскийсь юношеский кизонзон пингста. (Фото-клишесь ТАСС-ть).

Великий русский композитор П. И. Чайковский посвященный торжественный заседания

Майть 7-це шистонца Саранск ошнен трудящихне, кода и сембе советский народсь, отметили великий русский композитор П. И. Чайковский 100 кизонь юбилейнц. Чайковский шачема шистонца сывомок 100 кизонь топодеманц честь ошнен театрат помещенинса ульсь йотафть торжественный заседания, кода Петр Ильич Чайковский эряфонц и музыкальной деятельности колга доклад мархта выступил муздремучилищань преподаватель Кириков ялгась.

Заседания присутствующи оцю мяльса кулхондозь глубоко-содержательный докладть.

Торжественный заседания меле муздремучилищань студенттне путнезь Чайковский „Евгений Онегин“ операнц.

Од ломаттне занязь васенце вастть

Атюрьевский районный „Пролетарий“ колхозсь видема лиссь районца колхознен коряс сембода инголе. Апрельть 25-це шинцты колхозсь сокась 40 гектар, инзась 16 гектар и видесь 8 гектархт тозер.

Видемаса васень вастть занцы комсомолецне и аф союзной од ломаттне, кода Даниловсь, Рошин Серофимсь, Данилов Семенць, Черкашев Иванць и лиятне. Нят

од ломаттне сокама лисемда инголе сувасть социалистический соревнованиянц тунданы видемаса пингста работань норматнен вельф и цебарь качества пшкотькшнемаснон инкса. Эсь лангзост сывф обязательстваснон пшкотькшнесазь честь мархта. Синь цебарьста ладязь эсь мельгаст кемокстаф алашаснон мельге ухотть, ванфтсазь сембе сельхозинвентарть. Карл Черкашев.

ОД ЛОМАНЕНЬ ЗВЕНА

Мзярда Самодуровка велень Дзержинскийть лемса колхозсь лиссь паксаян работатненды, Поляковсь организовандась од ломанень звена сталинский урожайн сатомать инкса. Сон эсь звенанц мархта кярмодсь активнайста работам тракторной бригадаса.

Цебарьста работамать инкса Поляков ялгати эсь звенанц мархта колхозонь правлениясь азсь благодарность. Дм. Поляков. Ковылкинский район.

МИНЬ ЧАЙКОВСКИЙНЬКЕ

Чайковский произведенийнц аф валгондыхть симфонический концерттнен программа светса сембе странатнен эса. Советский Союза сонь музыканц можна кулемс сембе вастса—концертной эстрадатнен эзда сывомок идень музыкальной классенды или скромной любительский вечерхненды мо-лемс.

Улемок глубока национальной художник, необычайной вийса сувафтомок музыкати русский ломанть душевной качестванзон, Чайковскийсь тьяк пингть маласа и шарьхкодеви мирса сембе лия наронтненды.

Сон корхтай сембе миронь слушательхнен мархта интернациональной общечеловеческий кяльса. Искусствать вечной образонца, ломанень бытиянь вечной кизефксне—кельгомась, куломась, павазти вяти китнен лангста сембе препятствиян машфтомась—кайги Чайковскийть музыкаса, кода потрясает и волновандай культурной человечествать эсавов ни пале век.

Аф аныцек Москуса и Ленин-

градса, Алма-Атаса, Бакуса и многонациональной Советский Союзонь лия ошнен эзда, но и лия странань ошнен эзда, Чайковский концертонзон операнзон од поставкаснон мархта отмечандакшнев сонь юбилейнц.

Сембе культурной мирсь празновандасы русский великий композитор шачема шистонца сывомок сяда кизонзон. Аф ваномок сянь лангс, што Чайковский творил йтай векста, сонь творчества—тя аф история, тя—мировой музыкальной культурат тячиень шиц. Сонь музыка аф юмафнесы эсь великий художественный вийнц тяниенге.

Петр Ильич Чайковский нюрхкяня эряфонц (1840—1893 к.) может улемс лемтьф музыкальной искусствати глубока преданной художниконь удивительной творческой подвижокс, Чайковскийсь нязе эсь эряфонц сембе смыслай творчестванц эса. „Вдь видекус сьормадсь сон эсь издателенцы П. Юргенсонти—единственной „интерес“, кода сотнесаман эряфти—тя монь сочинительстве. Чайковскийсь ашезь уле аф блестящий вирту-

озкс—толпань кумирокс, аф смелай трибункс, аф художественный доктринань пропагандистокс, аф дерзкий новаторкс, аф музыкальной святынянц ниспровергателькс.

Великий музыкантть, кода шачсь Уралть глушса, горной инженеронь семьяса, идькс пингоцка и юностецка поражают аф азомшка скромностьса. Кода содаф Чайковскийсь аноклась прятрамс чиновникос. Музыкась ся пингть тейнза ульсь юношеский увлечениекс. Чайковскийсь музыкант—профессионалонь поприщать эстейнза кочказе сяда меле, мзярда сон служась юстициян министерстваса. Сембе окружающахненды од дворянничать атак ученть поступка, кода консерваториясь упорнайста и настойчивайста тонафнемать инкса ашезень кельгонде столичной „светонь“ радосттнен, корхтай пяк оцю волянц колга самоотверженный художникть, кода решился максомс эсь эряфонц музыкати. Чайковскийсь йотафтсь жестокой нуждань, критикать ширде озлобленной травлянь и оцю личной невзгодань кизот.

Но действительность ашезе

синде сонь. Сон илядсь страстный поэтокс, эряфса кельговикс, смелайкс, эстейнза взыскательнайкс и пяк скромной художникос.

Тейне савсь содамс Петр Ильичь сонь славный высший расцветонь периодстонца. Тя ульсь 1890 кизоня Петербурга. Консерватория директор Антон Рубинштейн кучсь Чайковский лама ученик сянкаса, штоба знаменитый композиторсь, кулхондомок синь сочиненияснон, азолезе кинди эряви сяда тов тонафнемс творческий (композиторский) отделенияса, а кинди эряви арамс музыкантокс-теоретикос. Тунданы мани шиня, мзярда решандась монь судьба, минь туме Набережной фонтанкати, кода Инженерной Замокть и Летний садть йоткса эсьбрадонц Модеста Ильичь квартира эрясь композиторсь.

Тейне савсь аф ламос учемс. Чайковскийсь занимандась. Композиторсь, кода ульсь содаф сембе мирса, эрь шовдавать озсесь работам. Сон сьормадсь музыка, эрь шиня, аф учемок капризный „вдохновения“ саманц. „Мон путне сембонь, мезе аф немс эрь шовдаван мезевок тиесм,—сьормадсь

АНОКЛАЙХТЬ ИДЕНЬ ТВОРЧЕСТВАНЬ ВСЕСОЮЗНОЙ ОЛИМПИАДАТИ

Ковылкинань железнодорожной 43 № средней школы вишкотьф идень творчествань Всесоюзной олимпиады анокламась. 31 ломанень лувкса хоровой кружоксь аноклай русский народнай лама морхт. 5-це классонь пионерский звенась работай Ленинонь и Сталинонь портретнон съормадомас-нон лангса. Сталинт портретонц съормадозе съкамонза пионеркась Калугинась. Лама пионерхт и октябренокт аноклайхть танецт, декламацият и ст. тов.

3-це классонь учениксь-пионерсь Сугреевсь аноклай морамс гармошкась лама морхт советский композиторхненъ произведения-нон эзда.

Тяда башка школы улихть лама солистт, конат тяфтажа аноклайхть цебяръ выступленийт идень творчествань Всесоюзной олимпиады. Пионерхне Журавлев Александрсь, Соболев Анатолийсь олимпиады аноклайхть лама картинат. Журавлевсь рисовандай картина—„В.И. Ленинт гимназистонъ кизонза“.

М. С.

Ковылкинский район.



Москуса Майт 1-це шинц празднован-
дамац.
СНИМКАСА: Московский Военный ок-
ругт арtilлерийский частенц йотаманц
пингста. (Фото-клишеь ТАСС-ть).



Москуса Майт 1-це шинц празднован-
дамац. Якстерь Армият частензон парадсна Краснай площадьса.
СНИМКАСА: Молихть бронетанковай частьне.
(Фото-клишеь ТАСС-ть).

Комсомолецт Давыдовт звенац

Давыдов ялгать комсомольско-молодежной звенац Мордовский Государственный Селекционный станциясь лувондови фкя инь передовойкс. Звенань четтне сембе вдохновленайхть фкя мяльса—получамс тя кизоня урожай аф 100 пудта кржа эрь гектарть лангста. Вов тянди подчиненайхть синь сембе обязательствасна, конатненъ синь пшкотькшнесазь честь мархта. Тянди подтверждениекс арси трудонъ производите льностть вярй кеподемац. Сонць Давыдов ялгась работань норманц пшкотькшнесь 175—200 процентс. Сонь эздонза аф иляткшнихть и звенань четтне: Попов, Ворныгаева, Пискаева и Кочетовская ялгатне.

Оцю урожайнь получама вы-дающей роль кирди почвать эса влагать кирдемац и агротехнический мероприятиянь ваномасна. Именна тянь лац шарькодезе Давыдов ялгать звенац. Сон последовательна тюрсь и тюри синь йотафтомаснон инкса. Нинге тя-лоть ушедомстакиге звенась йотафтсь тейнза кемокстаф площадь лангса ловонь кирдема, а меле рана тундакиге прудцесь пруднят, штоба аф нолдамс тума площадь лангста ведть. Озимой видефонзонды тийсь ни подкормка и ст. тов.

Давыдов ялгать комсомольско-молодежной звенац—образец станциянь сембе рабочайхненди.

М. Сайгин.

Изба-читальнясь арась велеса культурнай центракс

Од Выселка велеса (Зубово-Полянский район) изба-читальнясь арась подлиннай культурнай центракс. Велеса изба-читальнять видеса ули библиотека, конац козя разнообразнай литератураса. Библиотекарсь Калашников ялгась читательхненъ мархта тиенди башка произведениянь лувондомат, а тяда башка тейст лувонды и азонкшни газетнай новостть и ст. тов.

Колхозникне и велень интеллигенциясь упорнай трудта меле якайхть валда и уютнай изба-читальняти, коса культурна и весяласта йотафнесазь эсь досугснон; тоса улихть газетат, книгат, шашкат, шахматт, патефон и ст. тов.

Лобурев.

Зубово-Полянский район.

сон съорманзон эзда фкакс, и сатан работамс духонъ благодарнай состояния. Сон сочиняндакшнесь мелодият прогулкань пингста, тяшнемом нервнай почеркса записной книжкац листонзон, тиендсь наброскат сядя товолдонъ ариянь, монологонъ, романсонъ тематненди поэмаценъ и стихотворениятненъ полязост. Сон фалу эряскадсь, пельсь, што аф кенери йотафтомс эряфс пелфема творческий намерениянзон. „Боже мой, конашкава эряфсь нюрхкяня!—корхтай сон съормаса.—Мзяра нинге тейне эрви тиес сянъ самс, мзярда мон маряса, што пинге лоткамс“.

... Но вов минь консерваториясь слушательхтяма, смущеннайхтяма эсь кумироньконъ мархта васедемать эзда, беседовандама Петр Ильичть мархта. Теплай дружеский кядень люпштамада меле минь пелеманьке солась. Необычайнай, душевнай и ласковой Чайковскийт мархта курокста кармаме маряма эсь пряньконъ, кода кудса. Очередьс коря минь мораськ тейнза эсь школьной сочиненияньконъ, Чайковскийсь внимательна кулхондсь и мярьгондсь морамс оду ня васт-

тненъ, конат сонъ заинтересовали. Сяда меле ламос критиковандась, но тянь тиендезе аф азомшка мягкой формаса. Особенна ульсь ласковой Чайковскийсь минь эздонк нятненъ мархта, конат сонъ арьсеманзон коряс, должетт арамс аф композиторкс, а теоретикокс. Теплай участиясь, седи вакстонъ мзедомаса сон йорай кеподемс синь мяльснон. Мон оказался счастливчикокс, Чайковскийсь монь рекомендовандаманъ творческий отделенияти.

48 кизот мон ашан дирижерский пультть ваксса. Чайковскийт ашстама операц, аш концертонди стама произведенияц, конанц ба ламоксть афолине исполнянда. И сембе сяка эсь разня, мзярда мон панчса Чайковскийт партитуранц, мон мушендан синь эсост од красотат, одукс поражаюсь сонь гениальной мыслянзон сериста лиемаснон мархта.

Оцю вкладсь, конанц тиезе Чайковскийсь музыкальной культурат мировой сокровищанцы,—васендакиге сонь симфониянза. Бетховенда меле музыкат историряса ашель композитор, конанц симфонический произведениянза

кирдельхть ба тяфтама крхка философический мыслят и улельхть тяфта органичайхть формас коря, кода Чайковскийт произведениянза.

Глубокой содержательностсь—вов васенце требованиясь, конанц тиендезе эсь искусстванцы Чайковскийсь. „Монь аш мялезе,—корхтай сон,—штоба монь перазень алда лисельхть произведеният, конат мезевок афольхть азонда и ащельхть аккордонъ ритмань и модуляциянь шава морамкс“. Чайковскийти симфониясь—тя „духонъ исповедь, коса лама лакась и конац эсь существеннай свойстванц коряс тиендеви звуконъ вельде“.

Улемок сторонникокс „чистай симфонизмат“, конац апак сталгафтт литературнай программаса, Чайковскийсь максь дань и программнай музыкати. Великай композиторсь аф весть кярмотькшнесь мировой классической литературат лучшей образеонзонды. Шекспировский драмань пламенной страсть сон сувафтозе „Ромео и Джульетта“, „Буря“, „Гамлет“ драматненди. Вечна аф удовлетвореннай байроновский

геройть горделивай образон слушательть нинголе лисенди „Манфред“ симфониясь. Дантовский адть страшной видениянза лийкснихть „Фанческо да Римини“ зловещай звучаниятненъ эса.

Чайковскийсь стремилсь аф иллюстриовандам классикненъ сочиненияснон сядя подходящай музыкальной картинатненъ мархта, а няфтемс эсь личной отношениянзон искусстванъ великай творениятненди, няфтемс музыкаса синь основной идеяснон. Человеческий всепоглащающей кельгомань темась, счастьянь гимнц, суровой звучаниянь пачк йотни судьбань и горянь темась,—вов мезе покарят минь Чайковскийт поэтический созданиянзонза.

Опернай музыкат областьса Чайковскийсь няфтезе эсь прянц, кода величайшай художник-реалист, конац стремится сценаса „настоящей живой ломанень“ правдивайста няфтемат. Улемок тонкай психологкс, человеческий душань знахарькс, сон „Евгений Онегин и „Пиковая дама“ эсь лучшей операнзон героинзонды

(Полатксоц 4-це стр.).

Ваймосетяма весяласта

Ковылкинский районный железнодорожный 43 № средний школьный коллектив оцую мяль шарфть школьничене досугснор организованнаста йотафтоманцы. Школаса ули волейбольная площадка, коса эрь сменания и урокта меле ученикне организовандакшнихть волейбольная налхкомат.

Тянийн пингть историянь преподавательсь Н. М. Антюховсь эрь ваймама шиста ученикнене сявонтькшнесыне вири коллективной прогулка. Вири ученикне якайхть организованнаста, коса налхкондыхть мячса, тиендихть фотоснимкат.

Ученикне тонафнемада мельдене свободнай пингснор йотафнесазь организованнаста, весяласта.

М. Водякова.

Тевть вастс шава план

Мамолаева веленъ средний школа оборонно-физкультурной кружка сембоц ниле — ВС-нь, ЮВС-нь, ПВХО-нь и ГСО-нь.

Апрель ковста оборонно-физкультурной работань планть коряс кружокнене эса эряволь йотафтомс аф 7 кржа занятия, но синь эздост йотафть аныцек фкя занятия. Тя лиссь кружоконь руководителхнене Кечинть, Ерюшоват и лиятнене новла шиснон сюнеда.

Работань тя важнейшей участкь шири пяк кржа шарфнихть мяльда школьной комсомольской организациясь и дирекциясь, бта тя работась афи синне.

А. Сараев.

Рыбкинаний район.

Равнодушный пионервожатый


Сире Маманя веленъ начальная школань пионерхне арьсекшность кизоня максомс норматнене БГСО-нь, ЮВС-нь илия оборонно-физкультурной значокненди, но тевса лиссь меклангт. Синь йоткост тя пингс аф вятени вльне кодамовок оборонно-воспитательная работа.

Пионерхнене йоткса тяфтажа аф вятени внутриотрядной работавок. Самодеятельностень кружокне аф работайхть, — срадсть.

Но тя положениять лангс пионервожатайсь Якушкинць ваны кода нормальная явлениань лангс.

Т. Агапкин.

Рыбкинаний р-н.



СНИМКАСА: Ковылкинский железнодорожный 43 № средний школаста отличниконь группа: кяржи ширде види шири: Безрукова Нинась, Бортыков Шурась, Ермелова Женясь, Лупанов Лешась, Мазявкина Мариясь, Коршунова Ритась, Ухоботина Валясь и Саменковась.

Фотось Н. Денисовть.

ВЛКСМ-нь ЦК-ть X пленумонц решениянза эряфс йотафневихть лафчста

ВЛКСМ-нь ЦК-ть X пленумонц решениянза аф сатомшка активнайста йотафневихть Ковылкинань железнодорожный 43 № средний школаста. Отличнайста тонафнемать инкса тюремась станякомольфевти лафчста. Тянь колга корхтай ся фактсь, што школаста 600 лама тонафнить эзда отличникта аныцек 31 ученик. Комсомольская организациясь школаста отличнайста тонафнемать эса нинге аф занци ведущай роль, а мекланкт комсомольская организациясь 22 процентс комсомолецне тонафнихть кальдявста, а отличникта 76 комсомолецть эзда аныцек 3.

Школаса ули и пионерская организация, коса лувондови 337 пионер, но синь йоткост отличнайста тонафнемать инкса тюремась тяфтажа ладяф кальдявста. Аныцек тянь мархта можна азомс пионерхнене йоткста отличниконь кржа лувксть. Сембоц отличникта лувондови аныцек 15 пионер.

Отличнай успеваемость и отличнай дисциплина инкса тюремась ашезь ара нинге школьной комсомольской организациять работанцы центракс. Синь аш нинге работань практикаст ся, штоба аф успевающахнене перьфке

тиендемс общественной мнения, путнемс синь колгаст кизефксть комсомольской собраниясь, занимаданкшнемс учащахнене бытснор мархта, сергытькшнемс комсомольской собраниясь учащахнене родительхть и ст. тов. Сембонь тянь сюнеда общай успеваемость школаста колмоце четверть пингста аныцек 74 процент.

Тяса улихть ученикт, кода Касаткин Володясь, Башуева Зинась, Водякова Мариясь и лама илят, конат тонафнихть аныцек отлична, но синь опытна илятненди аф макссеви.

Аф няеви успеваемость инкса тюремаса ученической организациятнене особай рольснор. Синь тя кизефксть эсь собранияст путнесазь пяк шуроста.

Школьной комсомольской комитетти и сонь секретаренцы Касаткин ялгати пинге ни сядя серьезнайста кярь модемс ВЛКСМ-нь ЦК-ть X пленумонц решениянзон эряфс йотафнема и сатомс отличнай и цебарь успеваемость комсомолецнене и сембе тонафнихнене йоткса

Анев.

Ковылкинский район.



Москуса Майть I-це шинц праздновандамац.

Якстерь Армиять частензон парадсна Краснай площадьса.

СНИМКАСА: Парадть ушедомдонза инголе. (Фото-клишесь ТАСС-ть).

Косот книгатне?

Сире Потьма веленъ начальная школань библиотекаса библиотекарксь работась В. Гуляйкинь. Но кодама жа работа вятсь Гуляйкинь читательхнене мархта? Кодамовок аш. Тяддене тонафнема кизоть йотамс библиотекас панчсефоль аныцек кафксть. Васенда Гуляйкинь книгатнене явондозень лувондомс, а тоса кочказень сембе книгатнене эстейнза и кандозень куду.

Лама читатель, лувф книгаснон, мянь тячимс ашезь полафта, илядсть эстейст. Тяда башка Гуляйкинь эстейнза присвоил 30 книгада лама и причинафтома тусь работаста. Тянь лангс школань заведующайсь кодамовок мяль изь шарфта, ашезь прима мархтонза кодамовок мерат.

Никитин.

МИНЬ ЧАЙКОВСКОЙНЬКЕ

макссь аф юкстави крхка оброст — Онегинтти, и Ленскийтти, Татьяна и Ольгати, Лизати и Германтти.

Музыкальная творчестваса аш тяфтама область, конанцы Чайковскийсь афоль тие ба питни вклад. Сон балетань блестящай мастер, балетнай музыкать кепозеде не достигаемай художественнай высотас эсь произведениязон мархта („Лебединое озеро“, „Спящая красавица“, „Щелкунчик“). Сон интимнейшай лирик, кода создал лама популярнай романс и фортопианнай камернай пьесат. Сон — квартетнай и ансамблевой музыкань выдающай создательхнене эзда фкясь.

Нинге васень сочинениянзон эса Чайковскийсь использовандазень эсь творчествасонза русский и украинский народнай моронь матифнене. Но тя ульсь аф простой мелодиянь заимствования народть ширде. Чайковскийсь фалу келиста разивал и сатомшка творчески перерабатывал народнай морхнене.

Вов кода азондсы композиторсь эсь кельгоманц народнай музыка-

ти: „Кда тон эсь эсот аф мушендат матив радостти, — сьормадсь Чайковскийсь эсь покровителенцы Фон-Меккти, азондомок тейнза Нилеце симфониянь финалонь программать, — ватт лия ломатнене лангс, архт народть йоткс, ватт, кода сон машты весялготкшнума, максомок пря пьестема радостнай чувстватненди“.

Чайковскийть творчествац сотф аф аныцек русский музыкать ингольдене развитиянц мархта, но и европейский музыкальной эсь культуранц мархтовок.

Шопенть мелодичнай выразительностец, Шуманть ритмический возбужденностец, Листонь драматизмац — сембе тя мусь своеобразнай преломления Чайковскийть музыкасонза.

Но, аф ваномок мировой музыкальной культураць бесчисленнай сотксонзон лангс, Чайковскийть музыкац фалу самобытнай, фалу шарькодеви васень тактнене пингстакиге.

Аф кржа крупнай композиторхт марязь эсь лангсост генийть Чай-

ковскийть благотворнай влиянианц: тяфтап Маллер, Пуччини, Дворжак, — запалса Аренский, Танеев, Скрябин, Рахманинов — Россиясь крупнейшай советский симфонистсь Мясковскийсь, Глиэр, Шторин, талантливый од композиторсь Тихон Хренниковсь и лама лия представительхть советский музыкальной культураста.

Советский музыкантне, лувомок Чайковскийть эстейст великай предшественникс, стреминдахть унаследовать сонь эздонза сонь образонзон правдивостьснор и жизненностьснор, сонь музыканц глубокай идейностенц и содержательностенц.

Минь кельгаськ Чайковскийть сянкас, што сон ульсь великай народнай художникс. Минь кельгаськ Чайковскийть сонь искренностенц инкса, искусствати самоотверженной служениянц инкса. Минь кельгаськ Чайковскийть сянкас, мес сонь сембе творчествазь ульсь страстной призывкс прекраснай эряфти, тюремати.

Л. П. ШТЕЙНБЕРГ,
ССР-нь Союзонь народнай артистсь.

АШ ИЗБАЧ

Сире Сомай велеса ули пяк цебарь изба-читальня. Но тяса мянь тичемс аш избач, мезень сюнеда изба-читальнясь эрий пякстафста.

Видемать пингста агитмассовой работать значенияц пяк оцю, но Сире Сомай велеса сонь ширезонза мяльда шарфнихть пяк кржа, нльне сокай колхозникненди ашесть сьорматфта газетатка. Бригадатнене эзга апаке кемокстакт агитаторхт. Нинге тядонга кальдятевсь стенной печатть мархта. Тундань видема кампаниять пингста бригадатнене эса апаке нолдак фкявок стенгазета.

Нят сембе аф сатыкснене лангс аф партийнай, аф комсомольской организациятне кодамовок мяль аф шарфнихть. Синь вестьке ашесть путне эсь собранияст видемать пингста агитационнай пропагандистской работать ладяманц колга кизефкс.

А.

Рыбкинский район.

Ответ. редакторть заместителец И. ЧУДАЙКИН.